

民國文獻資料叢編

近代學報
彙刊

殷夢霞 李強 選編

國家圖書館出版社



殷夢霞、李強 選編

近代學報彙刊

第八冊

國家圖書館出版社

第八冊目錄

四川學報	光緒三十三年第五冊	光緒三十三年		一
四川學報	光緒三十三年第六冊	光緒三十三年		一三二
四川學報	光緒三十三年第七冊	光緒三十三年		二六一
四川學報	光緒三十三年第八冊	光緒三十三年		三九一
九經樸學報	第二期	光緒三十一年九月		五二一

光緒三十三年

第五冊

四川學報

大清郵政局特准掛
號認為新聞紙類

李務公所發行

全年計十二冊

概不
零售

報價每份三元五角
郵費每份三角

四川學報

未通郵政之處由
驛遞寄不加寄費

代
處 派東玉龍街官報書局

諭旨

奏議

公牘

章程

講義

譯編

論說

選報

表

附編

學部奏議覆請分辦中西醫學堂摺○學部奏議覆江督端擬建南洋大學堂摺○學部奏酌擬師範畢業獎勵義務章程摺○學部陸軍部會奏議覆呂大臣奏舉行新政宜防隱患摺○學部奏續擬管理游日學生章程摺○學部札飭各省提學司查察辦學官紳文○學部札飭各省提學司嚴禁自由結婚文○學部爲鄧瑩詩呈請設立體操學堂劄○附鄧瑩詩原書○批四月分

學部奏續擬管理游日學生章程○學部奏酌擬師範畢業獎勵義務章程○提學使司勸購讀早稻田講義錄簡章

財政學（續第四期）（未完）國法學（未完）

學校管理法（續第二期）（未完）

論尊孔關於地方自治○論尊孔○論立德立功與立言之分○猶太學術沿革論○論各國女學發達之順序（未完）

高等學堂普通甲班第三年第二學期畢業積分表

中國一人○墨學出於孔辨○三五學會宗旨

學部奏議覆請分辨中西醫學堂摺

奏爲遵 旨議覆仰祈 聖鑒事本年十一月十五日軍機處交片本日御史徐定超

稱中西醫派不同擬請分辨學堂以宏造就一摺奉 旨學部議奏欽此原摺內稱中西

醫派確有不同造士不能合併中醫多想像西醫憑實驗中醫主述古西醫貴求新其詣力獨到之處各有不同思議之精微學者各專一門已苦難於精到必欲兼營並驚心力更有不遑等語臣等竊維中西醫術各有獨到之處奏定醫科大學章程於中西醫學必令兼習未嘗偏廢惟中西醫理博大精微融會貫通必俟諸已入分科大學之後下此則兼營並驚學者輒以爲難誠有如該御史所陳者查京師設有醫學館擬卽改爲京師專門醫學堂中西分學科肄習各以深造有得切於實用爲宗旨其應如何補習普通編設課程酌定年限之處容俟 臣部遴派委員詳議章程具奏請 旨辦理所有遵議緣由謹恭摺具陳伏乞

皇太后 皇上聖鑒謹 奏

學部奏議覆江督端擬建南洋大學堂摺

奏爲遵 旨議覆仰祈 聖鑒事本月初八日內閣抄出兩江總督端方等奏擬建南

洋大學堂籌款興辦情形一摺奉

硃批學部議奏欽此原奏內稱南洋爲江海要衝臣端方到任以來亟謀創建南洋大學堂一所挑選學生除甯蘇皖贛皆爲兩江轄境照例甄收外如鄂湘閩浙川廣學生均可貼補學費定額考取仿京師大學堂先教預備科畢業後再照分科大學辦理現就各岸淮鹽督銷酌扣盈餘每年籌有的款四五萬金不敷尙鉅擬將貢院房舍拆卸什物變賣歲收地租以資補助不敷之款再由臣端方設法籌濟等語臣等竊維教育爲當今最急之務大學爲學問完備之區欲使全國之學術藝能日有進步自非多設高等學堂及大學堂不可該督等於經費支絀之際籌設大學勉爲其難洵屬遠大之見而甄收學生不限省界先教預科俾免躐等尤足以廣造就而得真材惟挑選學生最關緊要教之於到學之後尤貴慎之於到學之初必擇其性行端慎中學根柢已深曾經中學堂畢業者方足以期大成而資實用應請 旨飭下該督等安定規條慎重選擇必須合格始能入選將來分科編制一切事宜并由該督等詳細籌訂隨時咨明臣部酌核辦理至所請將貢院開作市場及變賣什物以助經費各節并酌提淮鹽督銷盈餘均爲亟於興學設法籌款起見應由該督臣酌擬辦法咨明度支部辦理所有遵 旨議覆籌建南洋

大學堂緣由謹恭摺具陳伏乞

皇太后

皇上聖鑒謹

奏

學部奏酌擬師範畢業獎勵義務章程摺

奏爲詳擬師範獎勵義務兩項章程恭摺具陳仰祈

聖鑒事竊維振興教育以養成師

範爲始基故師範一途關係至爲重要奏定學堂章程內訂有初級優級各師範學堂畢業獎勵章程又定有初級優級各師範學堂畢業效力義務章程勸責相維立法甚善惟優級師範獎勵章程所獎係國子監官職現經裁併勢不得不量爲變通義務章程亦有應行加詳之處查奏定章程內開優級師範學堂程度與高等學堂同而畧勝初級師範學堂程度與中學堂同而畧勝師範爲各種學堂之根源故獎勵不能不稍優各等語是以優級師範比之高等學堂以初級師範比之中學堂其程度皆有過之無不及現在師範獎勵旣不能援用舊章惟有各按程度就奏定章程所定高等學堂中學堂及程度相當之各項學堂畢業獎勵比照酌擬此外優級師範有選科一項奏定章程僅舉其名而課目未備臣部曾於去年酌定課程咨行各省分別試辦近來各省並有舉辦奏定章程所定之師範簡易科者皆爲振興教育急於求師起見此項師範畢業生似亦宜略予獎勵以資鼓舞謹一併按照

程度分別酌擬至師範畢業應盡義務爲各國所同蓋必如是而後教成一人能得一人之用教育乃能振興謹就原定師範畢業效力義務章程詳加修定明示限制凡師範生得有獎勵必俟義務年滿始准服官其有心規避或遷延過久不盡義務者即將應得獎勵撤銷其效力義務著有成效者仍比照奏定章程教員五年屆滿之條酌給獎勵庶師範畢業以後皆知盡心教育而學堂得有師資不難逐漸推廣謹繕具師範畢業獎勵章程師範畢業義務章程恭呈 御覽如蒙 諭允即由 臣部遵照辦理並由 臣部體察情形如有應變通之處再行隨時具奏所有 臣等詳擬師範義務獎勵兩項章程謹恭摺具陳伏乞

太皇太后 皇上聖鑒謹 奏

學部陸軍部會同議覆呂大臣奏舉行新政宜防隱患摺

奏爲遵 旨議奏恭摺會陳仰祈

聖鑒事竊 臣等准軍機處片交商約大臣正黃旗

蒙古都統呂海寰奏舉行新政宜防隱患一摺奉

硃批該部議奏欽此查原奏內稱科

舉停罷學堂極爲鄭重應請

旨飭下學部嚴定約束學生條律並責成各省提學使隨

時稽查有不遵守章程動以散學相要挾者立予斥退等語學部查奏定學堂禁令內載各

學堂學生不准聚衆要求藉端挾制停課罷學等事遇有本學堂增添規則新施禁令概不准任意阻撓抗不遵行犯者除立行斥退外仍分別輕重酌加懲罰各等語蓋欲造純美之學風必道德與法律相維相繫乃克有成學部疊經按照奏定章程切實聲明通行京外務令各學堂一律遵照嚴守規則嗣後仍當隨時考察倘各學堂學生有踰蕩行檢違悖禮教議論囂張料衆挾制者必按章懲辦以戢澆風而端士習又查原奏內稱遣派學生出洋游學成材固多然見異思遷者亦復不少即如行文紀年直書黃帝甲子襲耶教之名詞置正朔而不奉又翦辦改裝皆仿西制以爲便利夫正朔服制爲帝王行政之大端倘令該學生自爲其政紛紛效尤相習成風紀綱安在若謂出洋游學不妨暫時易裝然回華卽應復舊擬請 旨飭下該管衙門安定章程如有倡言不用正朔及無故改裝之學生或諸色人等均照違制律一例從嚴治罪等語學部查游學生人衆品雜其根柢太淺者誠不免見異思遷之弊良由旅居海外放言高論國法家教均所不及學部於上年十月奏定管理游學章程凡學生成績及在校外之行爲均須派員監察如果行文紀年不奉正朔是昧授時之大義視玉章若弁髦紀綱具在豈能稍事姑容應責成該管監督隨時糾查一經查出其人

卽當咨明學部分別懲處至學生畢業回國之後已非游學可比若易服剪辮沿用西裝被服不衷駭人觀聽應由該管地方官出示曉諭嚴行禁止至京外學堂學生冠服尤宜釐定均應敦尙質樸注重精神不得徒襲形式查奏定學務綱要內載各學堂學生冠服宜歸畫一以免雜亂卽或游行各處令人一望而知自可束身規矩令人敬重至各等學堂宜加區別以示優異尤須嚴禁學外之人仿造冒混等語查學生服色爲觀瞻所屬慶與各省咨商因關係較重非詳加酌核奏請

欽定不敢輕於定議至各學堂學生或係有職人員或係舉貢生童會典所載均有一定冠服前經學部通行各學堂每逢

朝廷慶賀大典及

開學散學春秋朔望一切行禮日期均當恪遵

功令不得稍有違異至練習體操意在

尙武現在各處學堂均參仿陸軍部奏定服式尙以爲便其在講堂自習室准著便服但須力崇樸素不得染紉袴氣習不得作奇異裝飾以端趨向而肅威儀應由學部咨行各省一律遵行陸軍部查新軍服式前經練兵處奏准通行在案嗣後各軍隊中如有不遵定制改用他裝以及翦去髮辮等事無論官員兵丁均卽斥革容由陸軍部通飭各鎮遵照並隨時派員查察以昭嚴密又原奏內稱兵不曰募而曰徵使人人知兵爲可貴誠

聖朝整軍

第五冊第四篇

經武之至意也無如應徵者不皆血忱報國之徒亦不皆鄉里自好之士即如松江府徵兵到蘇與駐蘇營勇交關此外江寧等處亦多因事互歐之案推原其故徵兵則自認軍人程度營勇則自命久事戎行仇視之心由此而起迨肇事後當事者或念徵兵甫經入伍辦理亦頗爲難第恐加以矜恤適長其驕後來不易箝束等語陸軍部查各國徵兵之制係於各軍分畫管區內按每年應徵之數計額徵兵凡男子年已及歲者皆徵集於各軍管下抽籤選定使充兵役蓋無論爲士農工商皆當從事戎行執干戈以衛社稷誠所以盡國民之職務而振尙武之精神然必須戶籍查清教育普及而後乃足語此今中國風氣雖開而軍人資格尙多不及是以現行辦法尙屬募兵而非徵兵蓋係選募士著之民以挽從前招募營勇不問來歷致名籍半多恍惚逃遁無從根究諸弊且漸爲將來舉行徵兵地步論者不察遽以徵兵目之而此等募兵亦輒以徵兵自居殊失循名責實之義查練兵處所定選募格式凡素不安分及犯有事案者不得收取是立法本尙周密如果承辦之員認真選募所得皆樸誠勇敢之人復於入營後隨時教導勵其忠愛之忱勉以尊親之義將勇於公戰者自不致敢於私鬥今該大臣所陳各節固由新兵中必有一二不肖者瀝迹其間亦由承辦者

辦理未能妥善應請 旨飭下各省督撫嗣後招募新兵應責成承辦各員慎選于應募之時凡桀驁囂張及不安本分者概不挑取至挑選入伍後務當威愛兼施喻以服從軍律俾人知守法弭患無形並應照該大臣所奏遇有兵勇滋鬥之案尤宜秉公訊辦廉得其平無論舊勇新兵但論是非罔分厚薄總當辦理公允以潛消其互猜互忌之心庶足固衆志而息羣議至此項新兵食餉既厚且准援生監例于差徭則優免于訴訟則遭抱而在營數年又復訓練兼施藉以開其智識增其材技 國家教養之恩實已優于平民如退伍後竟有不安本分流而爲匪者自應如該大臣所奏照逃兵游勇律加等治罪以肅軍紀又原奏內稱徵兵退伍仍予養贍體恤誠爲周至竊恐庫欸奇窘數年後兵數更多餉源益絀應妥慎籌備等語陸軍部查軍隊貴朝氣而忌暮氣非更番迭練不特餉力不給亦且兵力易疲是以練兵處前定退伍辦法正欲使通國皆兵俾平時則各自謀生有事可剋期調集而所定餉數如常備軍本係月餉四兩五錢至三年出伍退歸原籍列爲續備則月給一兩又三年改爲後備月餉再減其半是以一兵之餉而三年後可抵四五兵之用六年後可抵八九兵之用且應需各餉亦可按照所練鎮數循環核計似亦非漫無限制當此時局艱難之際

自不得不如此辦理以期兵力日厚餉力稍紓第此項餉源亦惟仍賴各省疆臣共矢公忠妥籌的款庶得擴充戎備不致事廢半途至常備軍退伍後給予養贍並聽其自謀生計體恤固已周至惟兵丁既從事行間此三年中止專心操練一旦改營他業恐非易易萬一以飢寒所迫如該大臣所稱或因他故相聚生心此亦事所應慮者臣等擬照原定章制量爲變通每屆三年期滿如有曾入軍營學校學習而才識明敏志趣向上者即可酌予拔升弁目其餘俟回籍後准由地方官選充巡警以資安插又該大臣擬參各國武學之制設立軍營學校凡非由學校出身者不得充兵非徧歷各學校者不得當官一節查練兵處奏定補官制略內聲明此後創練新軍所有軍中委用人員先儘曾習武備者選用又奏定陸軍學堂辦法並擬分別等級以次設立小學堂中學堂兵官學堂大學堂步馬礮隊專門學堂以爲層累遞升造就將材之計臣部復於上年奏請分設速成等項學堂以教官長並設學兵營以教兵丁凡此經營籌備亦均爲人皆向學士盡知方起見核與該大臣所擬辦法大致無甚出入嗣後惟有仍飭認真辦理以冀日起有功至各項學堂既經臣部奏請以次開辦該大臣所擬設立軍營學堂之處應即無庸置議所有遵 旨議奏緣由謹恭摺會陳伏